


海東名臣錄

五



冊	架	函	號	類
		八	九	漢
		九	七	書
		九	七	門

庫	文	閣	內
二	八	漢	
九	九	書	
函	九		
五	七		
架	冊	號	類

內閣文庫			
番號	漢	8997	
冊數	9 ( 5 )		
函號	299	54	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007. TM: Kodak





海東名臣錄卷之五目錄

金壽童

柳洵

柳順江  
成希顏

安琛

李孫

李諱

申用溉

鄭光弼

安瑋

成世純

任由謙

樞

任權

任虎臣

趙元紀

成夢井

李繼孟

李賢輔

李思鈞

朴梓

許砢

權檄

洪彥弼

洪暹

蘇世讓

申光漢



蔡世英

朴紹

沈連源

沈逢源

曹光遠





# 金壽童

六益文塔

公字眉叟上洛府院君士衡之後僉知磧之子天順  
丁丑生七歲學綴句人奇其秀發伯父礪深重之曰  
此兒將能更大吾門也中甲午生負登丁酉文科選  
授檢閱轉弘文正字善於隸法能書事大表奏一時  
諸僚咸推為第一陞舍人遭內憂送終居廬極其誠  
哀人稱為難及○燕山時歷兩南京畿觀察使乙丑  
陞拜右贊成判義禁府事時罪網高張人鮮得脫公  
為推官務從寬緩賴公全活者亦多丙寅二月丁繼

名臣五

東坡先生全集卷之五目錄

金壽童

附向

附向

附向

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李

李



母憂時短喪制違者罪重五月制盡還授右贊成懼  
違時制不得守情七月陞右議政○公端重多智當  
凶殘之時被寵任相而亦能隨時低昂上不獲罪下  
能活人當時在相位者競治第宅公獨不然○成希  
顏往告反正之由公曰此國之大事遵從一宰樞之  
言而奔走可乎卽卧于枕曰君持吾首去希顏告以  
立大君之意公曰然則吾當往矣君先去士林服其  
量○中宗卽位賜靖國功臣號陞左議政封永嘉府  
院君公更乞終喪蒙允庚午拜領議政壬申春遘疾  
七月卒年五十六謚文敬

## 柳洵

公字希明文化人洗馬思恭之子家無書史從人借  
讀得一書則日夜習讀必精熟乃還之成童賦金陵  
辭意老健人皆推服期以遠大十九魁司馬二十一  
登文科成宗朝為副提學上命召下美人圖令賦詩  
以進結聯曰君王自是踈聲色展盡猶應寄一顰上  
稱善命工粧纈為簇○燕山時為首相欲去位不得  
辭欲匡救徒觸忌常憂煎自傷中廟反正賜靖國功  
臣號公啓曰臣是反正時首相聞變蒼黃莫知所出



而亦與勲籍覲然治世云聞者是之公力辭議政不  
允固辭得適甲戌再入相丙子又辭丁丑卒年七十  
七○公耽翫書籍雖職務煩劇未嘗廢至於字學頗  
極精微醫方地理無不用功性又節儉不好華侈不  
喜宴游聲樂友愛兄弟况渭居抱川窮窶每時節製  
衣遺之弟沉抱疾親考方書迎醫別劑以救衣具施  
贈視兄如一但人以少氣節無是非短之

# 柳順汀

西倉氏卒年五十四益文

公字智翁文化人生於天順己卯自髫齒好讀書及  
長受業於佔畢門下甚見推獎又善射雖武夫莫敢  
與較遊太學才名益振成廟丁未擢科第一由典籍  
出為咸鏡評事虜見公射皆歎服歸而名其子多用  
公名許忠貞北征時為幕佐忠貞甚器重之大臣交  
口薦公於上曰柳某文武全才將相之器乞加擢用  
俄出為平安評事人皆稱屈公曰為人臣尚可擇官  
乎顧不忍遠離老母上疏請免上曰予將大用汝其



無辭仍御筆書公姓名于硯匣人皆悶其去而榮知  
遇成廟賓天公丁外憂燕山初服闋為獻納論任士  
洪奸狀後拜校理燕山幸箭 命文臣射小的人各  
搯三箭公獨中二燕山悅超公二資為副應教移拜  
執義司成為警邊使李克均從事尋加通政拜義州  
牧使俄陞本道兵使適拜刑工叅判朝京而還拜平  
安監司入為吏曹叅判時任士洪為判書百計中傷  
而竟不得害士洪適公代之丙寅反正丁卯拜右議  
政壬申陞領議政逾月卒年五十四謚文定

## 成希顏

公字愚翁昌寧人天順辛巳生由弘文正字丁憂去  
制闋復叙例謝恩命上召至閣門外勞之命中官臂  
一鷹以賜曰爾有老母公退有暇可以郊獵助供滋  
味又入夜對賜酒果公袖柑橘十數枚因醉伏不省  
中官負出之不覺袖柑墮地散于地明日下柑橘一  
盤于玉堂教曰昨日希顏袖橘意欲遺親故賜公鏤  
骨忘死卒倡靖國之舉以為報効地○公常隨燕山  
遊望遠亭令宰從賦詩公詩有聖心元不愛清流之



句燕山大怒以為譏已遂落職家居燕山亂政日甚  
宗社危急公素多大略欲廓清昏亂推戴聖明無與  
規畫意平城朴公可屬大事而本非同好難於發言  
有里人辛允武者往來甚狎公遂令試微意平城乃  
奮袂而起曰是我蓄積也公乃抵平城家各痛哭曰  
男兒生死有命豈有見宗社危亡而不恤乎兩公懼  
甚洽遂成大功謚忠定○公性坦率多大節而不學  
無術又不能下人受過悻悻自好相業草草嘗於卜  
相之日大言曰金應箕一千不能易一申用漑申用  
漑一千不能易一鄭光弼其妄言不顧多此類也

## 安琛

公字子珮文成公裕之後也公兄第五人而公居中  
自幼穎秀出眾及學不煩指授年十八與仲兄璿並  
登天順壬午生負進士兩試成化丙戌世祖幸江原  
道仍取士公及長兄叅判公珣並聯名釋褐而還一  
世以為榮補承文院正字選議政府司錄戊子陞司  
憲府監察辛卯成宗用集賢殿故事設藝文館揀一  
時名士以充之公亦膺其選為副修撰拜司諫院正  
言出為平安道都事乙未授吏曹正郎復入藝文館



于  
校理尋拜獻納一日因朝對極論公主第宅踰制時  
任士洪為諫長其子光載尚公主甚恨之即會兩司  
子朝房士洪揚言曰臺諫須議同乃啓獨啓非宜公  
曰言官當各盡抱蘊若有所待必碍言路士洪忿執  
不迴且以啓上即召對令陳狀知不可相容並許適  
之公復為校理庚子陞應教時士洪為都承旨勢焰  
頗熾公與同列論發其姦上震怒同館皆見罷賴宗  
室朱溪正深源極陳士洪陰邪狀上大悟即斥士洪  
而復公等職辛丑授掌令陞司成癸卯由軍器寺正  
拜直提學甲辰為副提學拜同副承旨陞至右承旨

坐事罷丙午以西班職充管押使赴京丁未拜揚州  
牧使秩滿以禮曹叅議召還復為副提學癸丑由吏  
曹叅議特加嘉善為同知中樞府事充千秋使朝京  
甲寅拜大司成兼世子賓客尋拜吏曹叅判成廟昇  
遐叅修實錄丁巳以久在政曹辭拜同知戊午授全  
羅道觀察使己未適為漢城府右尹尋授大司憲庚  
申為慶尚右道兵馬節度使壬戌適拜漢城府左尹  
授戶曹叅判兼藝文館提學癸亥以刑曹叅判陞嘉  
義出為忠清道觀察使甲子適拜禮曹叅判乙丑陞  
知中樞府事正德丙寅出為平安道觀察使中廟即



位之明年丁卯以疾辭適庚午知敦寧府事甲戌以  
年至請致仕不許是年冬特拜工曹判書許之未三  
月而卒公性端雅簡靜自少為儕輩所推許所與遊  
皆一世知名士為文章以達意為尚遇物措思音韻  
自諧筆迹典重得松雪遺法求書碑碣屏障者日相  
繼成廟大加獎異屢下內紙命書進其見賞遇如此  
公以教化自養士始所至必以興學為務其為大司  
成教養誘掖皆有課程患諸生食堂陋隘斥以為廣  
又惠學宮與閭閻相涵收買洞口民居撤之以西泮  
水為限及為平安道觀察使設作成庫以贍學廩至

今猶遵不廢平生未嘗言人過失然國事亦不為避  
其斥士洪也公主之甚力故士洪街公尤深及燕山  
末年士洪平日所睚眦或至闔門遭禍公常恐不免  
唯務與世浮沉而已聖朝中興公已告病而上猶以  
耆舊特擢為六卿亦異數也文城柳公洵漢山李公  
孫與南庠舊交結為耆年會公年未及七十用司馬  
公故事邀與同會酬唱成卷模寫為圖一時傳以為  
勝公性孝友每以早失怙恃為戚父事兄子撫弟姪  
親族之無所歸者皆聚諸家塾教育有方季弟璣歿  
養其孤處順使得成就不啻若已出人以此益多之



公生於乙丑卒於乙亥壽七十一夫人廣陵李氏漢山君李孫之妹後公四年而生後公五年而卒壽七十二

# 李孫

公廣陵李姓名孫字子芳己卯進士學問之餘又善弓馬世祖命補宣傳官成宗元年庚寅擢文科累轉禮曹正郎都摠經歷調金海府使由判校陞判決事自是出入踐履皆一時重任其為節度使者兩道忠清咸鏡觀察使者三道忠清黃海全羅近侍則副提學承旨五曹則戶曹叅議吏禮曹叅判兵刑曹判書中宗朝錄靖國勲超階崇政封漢山君未幾拜右叅贊年至請老不許賜几杖陞左贊成公益懼盛滿上

名臣五

八



表乞骸至再愈懇上賜教慰勉俄進階崇祿公猶執先志辭以疾上不得已適為判中樞以漢山君就閑者凡四年而終謚曰胡簡公性稟寬厚心存敬謹其居家事親以孝處兄弟以友恩育諸族不間踈遠疾病死喪護救備至常食于家者亦不下數十人家儲屢空略不為意其居官務持大體不事細察至決大議未嘗少撓其聽訟剔繁撮要剖斷如神吏莫容奸民莫隱情其治民寬不至縱威不至苛蘇羸馭梗納之大軌故所至必有聲績盡可稱述聰明之性出於天賦一經耳目終身不忘國家典故文物以至山川

道里民情物狀纖悉究到凡有疑質應答如響無少遺失後進者倚以為著蔡焉既老與柳領相洵安判書琛及諸老之少時同遊南庠者結為九老會每良辰佳節扶攜子姪迭相往來為娛一世稱為美事夫人護軍李繼潘之女益齋文忠公六世孫也生而英肅長而溫懿父母異之曰此女不可以儼凡子二十而笄歸於公治家六十餘載固有一堡上奉舅姑旁接娣姒下撫婢僕曲有禮意不以纖芥累君子公之享有多祉終始以禮者亦夫人善承之也既疾諸子請迎醫行禱夫人曰吾年踰八十榮貴亦至有何所



望竟不肯公生於己未歿於庚辰夫人生於丁巳歿於戊寅壽皆八十二葬異墳同塋内外孫七十八人

# 李諱

公國初相臣李稷之後生長豪貴而性儉素不修邊幅自筮仕歷大司憲觀察使三曹判書至贊成執公不撓關節不到嘗為刑曹判書知敦寧府事成世明有私囑公嘗鄙之及逢於闕庭世明進揖又欲致款公揮而絕之曰宰相敢區區何足示人世明幾外地其質朴無文奉法不撓多類是及其卒朝野惜之

仆



李齡

# 申用溉

公字溉之天順癸未生祖文忠公叔舟夢嶽降之祥遂  
 名曰白岳鍾第丑即白岳也自幼峭拔高邁果異凡  
 兒文忠大奇之改名而字之纔踰弱冠中癸卯司馬  
 自是大肆為文章射御亦出眾識者知為他日將相  
 之器戊申成廟謁聖公中丙科選入弘文館四轉至  
 修撰詩經幄者四年成廟至解御衣衣之修龍山廢  
 寺號讀書堂選文學之士為藏修之所公亦與是選  
 由吏曹郎陞持平遷舍人大夫人固在受其養公痛

侍

名臣五

十一



廬

先考溘死於非命嘗拜疏請赴北方以復大讐朝廷不許至是公詞知仇人至都下乘夜格殺之道上三省將鞠殺人者公欲詣吏自首大夫泣涕固止之朝廷亦置而不問丁巳遭大夫人憂廬墓三年服闋陞應教兼藝文應教國制兼應教只一員乃將主文衡者位也歷司諫直提學擢同副承旨轉至都承旨剛直自守不能隨上意低昂燕山主甚不悅壬戌冬出按忠清道雖加嘉善實貶之也還為刑曹叅判遷禮曹甲子賀聖節于京師還未及境配于靈光中廟卽位以刑叅召還超資憲授大提學丁卯成公希顏

為奏聞使公為副請誥命于朝竣事而還歷右叅贊大司憲吏兵禮工四曹判書至右贊成首相成公病革薦公自代丙子進拜右相戊寅陞左已卯十月病卒年五十七謚文景公天姿豪爽器宇坦易望之毅然若不可犯卽之溫然為文章道勁簡古屏去華麗無一點塵俗氣初若不經意出輒驚人蓋得之天性然也○公豪放有文武才但溺於酒色人以此少之



# 鄭光弼

東萊之鄭自高麗時為名家左僕射穆生四子皆顯  
曰澤為資善大夫十一代而至文翼公大振之公諱  
光弼字士勛左叅贊翼惠公蘭宗第二子也天順壬  
午生幼有氣度大異凡兒翼惠奇愛之常對饌案諸  
子滿前獨以美味與公曰此爾他日之食也少從伯  
姑受業乃翼惠公之姊而女中大家也有識鑑知公  
遠到以子孫為托○公年踰弱冠連丁內外艱守廬  
六年哀毀踰制人稱其至誠弘治壬子中進士仍擢



大科初補學諭陞博士兼司錄奉常直長不卑少官  
供職彌謹副正鄭誠謹甚器之李議政克均亦以公  
輔期之時修成宗朝實錄名士咸聚李公為總裁官  
擢公處都廳專委編摩館員夏考見貶公亦連累局  
僚皆意其不仕李公大言曰鄭之弘量必不屑矣俄  
而果至歷典籍除正言選入玉堂至直提學會文臣  
廷試公聞叔父喪徑出不製坐是貶西癸亥超拜副  
提學移吏曹叅議燕山昏虐公抗疏諫甲子竄子牙  
山丙寅秋將置重典押官遽至盡室惶擾公怡然就  
道言笑自若俄有人來說廢立事座中抃躍公曰此

子

為宗社大計但未聞舊主死生遂却肉不食中廟以  
副提學徵還移拜承旨丁卯特拜吏曹叅判戊辰轉  
兵曹由大司憲超拜判尹尋遷禮曹判書庚午復以  
大司憲拜右叅贊是年夏三浦倭叛亂命公為都巡  
察使往撫之其所規畫盡合機宜南服晏然還判兵  
曹壬申辭拜右叅贊九月出為北伯時值飢荒餓莩  
枕籍公多方撫綏一境賴以全癸酉下書褒美以右  
贊成兼觀察公上疏辭不許未幾拜右議政尋陞左  
乙亥章敬王后薨後宮有嬖寵者窺陞中壺上相依  
違首鼠公率堂僚扣閣力爭坤位乃正丙子陞領已



卯二三姦臣詐虫葉讖因掖庭密達夜開神武門天  
威震動禍將不測公至上前冒萬死救解願謂二三  
臣曰公等輔聖主欲行柳子光事乎上怒起公牽裾  
從之淚隨言滴上亦感悟竟寬鈇鉞公罷相領西樞  
丁亥復入相辛卯引年致政賜几杖不允○初金安  
老未顯時公目為儉人及連姻宮禁欲取牧場作田  
公為太僕提調引法不許安老銜之公謂李荇曰安  
老決不得為善人由是積怨百計擠陷癸巳洪礪獄  
起公啓王室至親不宜拷掠禁庭群邪以此藉口詆  
公故緩大獄復罷相公不欲遠違都下寓居楊根石

僕

田茅屋人所不堪而公處之有裕乙未復鑄秩退居  
于懷德農舍安老以公嘗為禧陵扈護使卜地不吉  
羅致重律家人奔走號泣公方與人博了無動色呼  
盧不已俄報末減長流金海入夜寢息如平時明發  
登途僕侍有怨及安老者公輒止之曰死生有命豈  
容人為在貶六朔三兇見敗即賜環領樞而歸都人  
聳觀巷市為空望其復相而忽感疾不起年七十七  
配享中宗廟庭謚文翼○公姿狀奇偉長身美鬚神  
清而骨秀沉厚寡言笑自奉儉素如寒士公退則坐  
一室讀書史不事營殖不通關節尤不喜聲色局量



恢恢光明正大非意挫辱曾不少撓忠君憂國之心  
老而愈篤以身繫安危輕重者殆三十年

# 安塘

公字彥寶生於天順辛巳六歲通孝經不待勸勉而  
業大進庚子中生負明年捷文科癸卯春薦入史局  
遭外憂服闋序陞典籍監察司書刑工正郎成廟賓  
天監董宣陵之役燕山時陞僉正為掌令曰白岳隕  
石之變極陳闕失為主所忤庚申西鄙驛路凋瘵大  
臣以公為大同察訪公大祛宿瘼郵卒愛戴未幾特  
授南陽府使是時土木方興星催火迨民物蕩然公  
先時經紀以應需索民不煩擾闔境以賴乙丑陞通

迫



政中廟改玉卽日拜大司諫初諫院為廢朝所革公  
為之復舊丁卯以左承旨叅鞫李顥獄錄定難功臣  
封順興君冬出按忠清道時廢政纔經訟牒繁委公  
部決詳慎咸得其意己巳春為大司憲冬以賀正使  
朝京數年之間凡四入憲府務遵成憲惟以振舉頽  
綱伸雪冤枉為心壬申觀察嶺南甲戌超資判漢城  
府凡詞訟一視曲直未嘗以權勢沮撓尋拜戶工刑  
三曹判書及為吏判也凡所注擬必以孝行公薦為  
先擢趙靜菴為司紙金大司成為主簿金大有為直  
長其他名聞之士多所甄拔時人不敢以私于焉公

力辭解權上眷注方隆擬公以久任至丙子八月始  
適適章敬王后上賓朴祥金淨上疏欲復廢妃兩司  
長官權敏手李荇等請置於死事將叵測公以特進  
官八侍反覆辨救謂不宜加罪以杜言路臺諫反論  
公傳會大臣侍從躡公之議而亦爭之臺諫以此見  
罷而獄事遂紓然當時廷議始有異同竟媒己卯之  
禍云是時國家以鄭文忠配享文廟金宏弼鄭汝昌  
贈大官錄子孫立祠致祭公力居多是年臺諫追論  
丁卯事并革正定難功自是不復勲封戊寅春陞右  
贊成特旨再判天官時秋卿屢被駁劾公難其人僚



席有薦沈貞者公曰花川君足矣竟不擬貞之恨始此未幾進拜右議政己卯夏四月國家設薦舉科三子皆中焉公聞報愕然驚起曰三子登科古今罕有天道惡盈招損理也上雖遣中使賜賚優洽而惴惴焉不樂如無所措六月夫人李氏暴卒上遣承旨尹自任弔賻皆異數也○十一月有神武之變南家沈貞等欲於是夜格殺靜菴等公與首相鄭公請召參議以上共議極力伸救僅得分配尋陞左揆十二月落職辛巳十月公之子處謙見權奸欺蔽常懷慷慨與親友有除去某某則可慰士林之語其弟處誠言

于公公驚駭仆地即擬上聞又恐因此惹起士林之禍乃率歸陰城庶幾消沮有孽四寸宋祀連者告以謀害大臣家貞等既稔宿忿欲籍為口實加罪己卯之人自幸得計勒取供招鍛鍊成獄公亦被連坐領府事鄭光弼領相金銓啓曰安某率子下鄉陰折其謀罪應未減云而竟不能救行路莫不掩涕年六十一謚貞愍○公歿之四十六年孫玠上書曰祀連之告只舉謀害大臣初非叛逆之類故祖父雖不忍於捕告而率往鄉村竟折其謀則功亦准過未蒙伸理誠為九泉之冤明宗特命還給職牒



# 成世純

公字太純昌寧府院君汝完之五代孫判書石碯之  
玄孫也公生于天順癸未由甲科為漢城叅軍判尹  
朴捷器之不敢待以郎屬累官至直提學丁憂去位  
服闋陞同副拜大司諫階嘉善初姜渾沈順門為舍  
人皆有所眚之妓鄭鵬戒之曰亟遠之無貽後悔姜  
去之沈不從其後二妓入宮被寵甲子燕山欲殺順  
門問于羣臣三公以下莫敢異議適賜宴闕庭公頌  
四座曰吾等職在諫官安可嘿然而已兩司皆縮頸

名臣五

十九



獻納金克成曰官以諫為名見人無罪而死縱愛身  
不言柰負國恩何正言李世應曰獻納言是或曰若  
不順旨必與順門同死終無益也公與克成談笑自  
若曰死生大矣各任其志可也今日先死者必吾兩  
人也次者正言遂啓其無罪之狀燕山雖不聽用亦  
不之罪未幾出按湖南正德丙寅赴京賀節是年中  
廟即位拜漢城左尹遷大司憲又按湖西召拜守知  
中樞府事秩視六卿追贈考吏曹判書蓋異數也為  
吏曹叅判復拜大憲甲戌卒年五十二謚思肅公遇  
事明果直情而行峻潔少許可不肯隨俗俯仰所與  
交惟鄭公光弼申公用溉數人而已權政丞鈞性倨客  
至不時見若聞公來必倒屣而出卜宅白岳峯下公  
退嘯咏泉石間蕭然若無爵者教諸子能以正有致  
大名者本於庭訓云



# 任由謙

公字叔讓豐川人公少不好弄唯耽嗜書籍為文能  
造理老先生皆器異之既冠益力以肆華聞大播一  
時名士慕與之交尤與金忠貞公詮鄭安陰汝昌相  
得講劇道義之學其所資者益多公之外舅洪忠貞  
公應少許可於子弟未嘗假以辭色每見公必為之  
敬禮公中庚子司馬誠擢己酉科選補承文院由校  
檢拜監察充正朝使書狀官朝京燕山初柳子光恃  
其權勲葬母踰僭公承朝命往鞫盡發其狀時論快



之拜正言選入弘文館由副修撰至副應教路遇當  
國大臣引馬避之不為禮坐是見罷既而擬學官燕  
山主曰某以下陵上不宜為是職乃降授副司勇久  
之拜訓練僉正躡蹙不得調清顯者凡七年公不以  
卑冗為辱尤恪勤供職凡設局及奉使必薦公為首  
事無不辦燕山末清名之士皆及於禍而公獨以沉  
滯得免陞通政階歷刑吏兩曹叅議進階嘉善拜兵  
禮曹叅判出為慶尚觀察使秩滿適還中宗卽位以  
請命使朝京己巳出按湖南甲戌觀察京畿丙子進  
階資憲拜刑曹判書有論公過於慈祥不合長理官

適為知中樞癸未判工曹翌年以老病再辭又移知  
樞疾革語諸子曰吾位過年滿汝等亦皆顯揚死無  
所恨但望汝等謹慎立朝而已下至諸婦羣姪皆與  
之言以訣其精爽不昧如此卒年七十二謚曰昭簡  
公自少勤身篤志尤精理學如庸學兩書每夜必誦  
到老不怠燕居必歛衽端坐未嘗有惰慢之色教誨  
諸子必以義方勸勵課講使自成就至於立揚皆能  
以清慎自持其素得於庭訓者然矣公平生無所嗜  
好晚歲益厭紛華別構小堂于家園日以嘯咏為事  
客至或設碁或投壺以極其娛每遇良辰率子姪親



舊佳山勝水無不窮玩興盡即返且與年滿諸宰數  
往來作者老之契人稱為七老會至圖繪以傳之公  
天性謹慎每以盛滿為懼遇微疾輒乞解諸子得一  
官增一級輒愀然不悅曰無已過乎諸子善承厥志  
迭處顯要而未嘗少以名位加諸人時長子樞大司  
諫次權直提學曰柄吏曹佐郎曰捷曰榦皆筮仕矣

### 任樞

公字士鈐昭簡公長子也生而端秀聰穎讀書過目  
輒誦久而不忘其為學以古人自期不徒事記誦為  
文章中丁卯生負捷文科選入承文院歷檢閱奉教  
遷兵曹佐郎陞弘文副校理講論剴切陳善格非有  
以感動上心諸僚皆以為不能及歷持平獻納副應  
教舍人移司藝已卯四月以謝恩書狀朝京持已以  
正待人以恕非但一行人愛敬雖中原士人亦有敬  
重者東還又拜掌令移應教典翰辛巳丁外憂服闋

名臣五

三十三



陸直提學左副承旨又移大司諫丁亥四月丁內艱  
庚寅出按嶺南道稱物衆地大人所難治而公處之  
裕如雖牒訴空惚一聞輒記人不敢欺時有被罪遷  
謫者待以仁厚秩滿拜右尹出為江原監司又以非  
罪棄爵癸巳以冬至使赴京長子充質正從行人以  
為榮竣事將還得病過關至高嶺驛奄逝無一言及  
家事者廣寧御使王潮即遣屬宮致祭且賻以銀兩  
有服乎心也計聞上震悼賜棺槨吊祭大夫士多嘆  
惜隕淚者而金安老則乃曰早逝得好沈彥光則猶  
悔其由已困極乃曰咋指無及

公生於壬寅卒於甲午年五十三

### 任權

公字士經成化丙午生幼而穎異讀書知大義未及  
志學已遍誦四書三經與其兄樞攻苦力學殆忘寢  
食雖父母亦或勸輟昭簡有五子皆富才業而公與  
兄樞實白眉之秀兄嘗稱曰吾弟學問正大操守剛  
果真吾家千里駒也中丁卯進士登癸酉乙科兄弟  
既負大名繼擢高第玉立朝端風裁清峻望之者目  
為雙珠初補槐院歷檢閱選入玉堂陸著作以病而  
適旋陸校理為吏兵曹正郎遷持平辛巳以外艱去

名臣五

二十四



服闋還拜持平弼善陞舍人輔德仁宗在儲位學就  
高明春坊左右皆極一時之選公講說詳暢音吐清  
亮仁宗每注聽焉書筵論難之辭日必錄啓中宗見  
公勸戒之語曰輔導之任顧不當如是耶丙戌拜執  
義典翰嘗於經席歷論時宰貪黷之狀上詰其姓名  
指斥不諱中外聳懼丁亥陞直提學久處論思之地  
知無不言言無不盡義理剖釋表裡洞澈一時講官  
皆自以為不及丁昭簡憂已丑喪畢拜掌樂正平安  
道理山郡有虜獲失實之事枉囚盈獄將遣官覈理  
而難其人大臣薦公往按盡得其狀時論快之庚寅

除宗簿寺正宗親畏縮莫敢為非秋為執義吏曹判  
書張公順孫新承銓衡忌公鯁直乃擬司贍寺正有  
一名宰往責云宜居諫諍何欲移外張大怒即往啓  
云某乃清流之人不宜在言地故擬于他官而時論  
有以咎臣者敢來啓弘文館即疏陳險詖之狀上皆  
置而不問人或勸公辭避且往張自解公曰頃以清  
流見敗者皆我之朋儕我自不為非何用辭避又何  
往見貞顯王后之喪都監供用之物一切取辦於市  
而不償價民甚怨咨公乃啓請悉歸其直是時金安  
老放還漸見柄用浮薄喜功名者攀援締結互相朋



比公為執義時兩司交章陳弊疏內有附已者進之  
異已者斥之之語大司諫沈彥光見之慨然曰時豈  
有此習公曰今之大患正在於是不可謂無也彥光  
構陷罪罟必欲遠竄中宗竟原之只適其職公怡然  
不以為意携妻子退居于禮山村舍丁酉冬三兇伏  
辜諸士之被讒見貶者盡為消雪戊戌春公亦賜環  
五月特加通政拜禮曹叅議移兵曹叅知己亥以冬  
至使赴京與宗系奏請使偕行中路下書曰卿等使  
事雖殊宜相諳委若一人有故可以代行及到京奏  
請使以疾不出公獨詣禮部辨明敷陳言意誠款乃

蒙允俞使還行賞竟不及公公略無片言出於口初  
若不與知者人以此益多公而嗤彼之不讓焉公將  
還病不辭朝令子弟挾扶北向五拜而出華人嘆其  
知禮庚子特加嘉善擢禮曹叅判旋拜慶尚道觀察  
使公自使燕京羸悴日甚以不敢馳驅為辭還拜禮  
曹叅判嶺南地廣物衆必選朝右重望而昭簡及公  
兄弟繼按旌節公雖不赴世皆歆艷辛丑出按湖南  
值歲比歉方嗷嗷公領心賑撫多所全活壬寅特  
加資憲拜兵判甲辰移禮判明宗即位吊祭冊封使  
出來公以工判為館伴儉接中禮華使亟稱之庚戌

頌



奉安實錄于全州特賜餞宴于江上以寵之中殿嘗  
為省親出幸本第是日有風災公於經筵極陳窮閻  
委巷非國母降臨之地戚里之人希望恩賚致此過  
舉變異昭昭天意可知沈相連源適入侍悚慄怙息  
左右聞者無不為公危之乙卯引年致仕不許丁巳  
六月卒年七十二謚貞憲公久居大官家無羸背扁  
所居室曰靜容黎明而起正衣冠終日危坐語子弟  
曰吾豈有過人者但獨處無自欺對人無諱事而已  
晚年築第于南山麓左圖右書養花蔕竹超然有物  
外之想若無經世慮者

## 任虎臣

公字武伯觀察使樞之子生於正德丙寅資稟甚高  
弱冠入太學人稱有儒者氣象戊子中司馬辛卯登  
科薦入藝文館遷說書觀察公以冬至使如京公以  
書狀官隨之名流贈詩以鳳將雛比之還未出上國  
畧遭喪扶襯萬里號擗毀戚華人嘆服喪畢拜奉教  
時權奸當國出公為黃澗縣監入為兵刑郎轉弘文  
校理吏曹正郎以典翰直提學陞同副序至都承旨  
出按嶺南人稱其能辛亥如京賀節乙卯特拜戶曹



計  
判書內殫心計量入為出治劇盡瘁之餘激成脹病  
適拜知敦寧禁其家毋得受祿蓋不欲無事而食也  
疾病其友洪暹往問之見其病重不覺涕出公抽唐  
音一帙授之曰為我快吟一篇其達於死生如此卒  
年五十一計聞上悼甚曰良宰相亡矣謚曰貞簡公  
外若坦率而內有定力臨事毅然不撓遇急當自靜  
暇壬子朝廷選廉謹公與其弟叅議輔臣俱與其選  
人以為榮公愀然曰安得無忝此二字上棟宰相中  
學行者號為東宮輔養官安珙李浚慶趙士秀及公  
與焉極一時之選也

## 趙元紀

公字理之漢川府院君溫之曾孫也漢川佐我太祖  
開國清德峻節為世楷範謚曰良節考諱襄孫吏曹  
正郎娶南尚明女生公幼不好弄有安重氣象九歲  
嘗著象戲正郎見之語其母曰吾兒已學無益之事  
將何以成立乎公竊聞之即垂泣告父母曰吾偶然  
學之此戲若害于身豈敢以貽父母憂乎平生遂不  
着早歲趨學中癸卯司馬為學必深探理趣不事章  
句為文必已出不蹈襲前人一言由是抱利器稱屈



者蓋多年矣丙辰登科由典籍正言為修撰燕山主  
欲觀史草戶啓勤懇觸怒見罷人皆為公懼公不為  
動庚申邊民逃入海浪島朝廷遣將搜括公為副將  
波濤洶湧舟楫顛危人皆失色公則夷然竟捕通岷  
以還拜奉常寺僉正甲子坐前事謫橫城中廟改玉  
入拜司成以公有慈祥牧民長才無解武事除慶源  
府使自公往莅民夷咸懷金粟馬羊之謠聞于朝特  
拜大司諫俄遷左副承旨上欲舉清白殊異者用以  
激礪拜同知中樞府事朝野榮之移拜副提學副提  
二品自公始士多貴之乙亥夏赴京賀節還唯持頌

賞不齎一物行李蕭然丙子命授大司憲吏曹參判  
出按湖南未踰年上思公清直擢拜刑曹判書遷工  
曹議政府左叅贊癸未皇太后之喪以陳慰如京丙  
戌請致仕不許壬辰上教政府曰廷臣有清節素著  
至老不變為衆信服者啓之政府以公名上上歎賞  
良久命超崇政判義禁府事公之三命皆以清見褒  
世未嘗有也公資性忠孝好節儉執親之喪朝夕悲  
哀三年不出廬外位居宰輔弊廬短堵僅庇風雨度  
厨所儲不過鹽菜人視之不堪而公樂之不厭也人  
有饋遺少不合義必辭若將浼已平生恪謹職事雖

名臣五

二十九



祁寒盛暑未嘗一日在告駟直不入於家必先周窮  
姊妹以及於門黨之老寡孤幼雖踈遠不相往來者  
亦得霑濡家之所奉常不裕也公退恒居小齋流閱  
書史日夕挾筇曳屐俯鑑尺池對菊數叢吟哦逍遙  
若與造物者為友而其胸懷浩浩然也靜菴先生公  
之兄子也聲名太盛公深以為憂在慶源時貽書以  
警之入服其先見之明公生於丁丑卒於癸巳年七  
十七謚曰文節

## 成夢井

公字應卿校理聃年之次子石瑤之玄孫也生於成  
化辛卯十九中司馬丙辰魁庭試直赴戊午殿試歷  
刑兵曹郎舍人典翰叅靖國勲陞戶曹叅議大司諫  
同副承旨陞都承旨封夏山君己巳遷吏叅按京畿  
語及民飢或至流涕涕拜大司憲禮曹叅判章敬王  
后升遐自內有促斂之命公堅執不撓務從喪禮俄  
陞判尹臺官搆虛彈駁靜菴為止言力稱孝友至三  
朔始遷工叅居閑語及當世人物有以南袞為稱首

名臣五



者公曰斯人才華雖可稱交結年少文士好為延譽  
恐非君子人也又曰柳洵在廢朝位首相不能率百  
官告慈殿行昌邑故事若假數月則國亡國亡身獨  
保乎金完弼鄭汝昌樂道人之善真古之善人也姜  
渾為護蕩等司提調極揆諸閣佳名以媚廢主文章  
雖富麗安足取也金駟孫文章浩漑氣宇倜儻而片  
言隻字皆為禍本公之鑑識類是丙子入侍進言曰  
主上有志三代一復古制甚盛美也若不務實徒貽  
後世之譏如欲轉移風俗則莫若忠厚為本未幾有  
己卯之禍嘗於壁書孝衰於妻子官怠於宦成病加

扶

於少愈禍生於驕盈清心寡欲怡神養性忍快耻復  
三十二字以自警省時府院君柳洵叅贊李孫判書  
安琛仁川君蔡壽郡守柳瀛俱以父執時尚康寧公  
倡諸子弟各扶鳩杖設耆英會于公之終南別墅觀  
者稱之每遇佳辰大開壽席盛集親黨待母夫人說  
少時遊戲之事怡愉終日極歡而罷以此為人間極  
樂云母夫人執用藤架之類必親自制造以悅母志  
位至叅判猶然上有賜必袖以獻凡出使得珍味亦  
如是母夫人語人曰此兒之在腹也吾不憂其幼也  
衣以三綜布無愠色而今受報乃如此一日母夫人



思還舊庄公亦随之曰以乞養上召之還朝拜命更  
陳情上箋上特命除忠清節度使至鎮號令清肅秋  
毫無犯請屯田足軍糧刊陣書明部伍丁丑八月誤  
食毒菌而卒年四十七言不及他以不及終養為慟  
前夕守營門者夢主將具軍威出營門驚覺視之則  
門鑰自解矣贈禮曹判書謚襄景

## 李繼孟

公字希醇號墨巖全山李棹之裔也公之生有夢鶴  
之瑞骨像清奇氣度宏遠佔畢齋按湖南一見待以  
國士成化癸卯司馬弘治己酉登科歷說書正言為  
養乞外出宰高山青陽吏畏民懷癸亥以執義擢拜  
同副甲子以左承旨進階嘉善燕山追究前日言者  
杖公配靈光靖國初即拜大司憲朴耕之獄辭及公  
配珍島數月上知公無辜召拜同知出按湖南己巳  
為畿伯庚午奉使如京壬申陞資憲拜平安監司以



病還判戶刑禮三曹丁丑以中宮冊封奏請使赴京  
特加崇政拜左贊成奉勅而遷移判兵禮○公性放  
達不拘行檢已卯士人以是短之公謝病歸卧金堤  
朝廷徵還復拜左贊成中途疾作上遣醫療治既至  
朝野倚重癸未疾篤侍者不覺垂泣公曰吾死尚隔  
數日毋泣至期謂醫者曰吾命垂盡速移我正寢避  
席而卧倏然而逝年六十六謚文平○公侗儻有大  
節鄭文翼公亟稱有宰相才已卯士類處事過中公  
頗裁抑之被劾南歸靜菴被罪後召拜贊成略不以  
前事介懷每歎善類見擯群小得志欲為伸救大忤

抑

衮賊沉滯西樞以老成重望雖不顯斥僅容於朝慨  
念時事憂懣而卒○公為西伯時金正國為獻納毀  
之者曰李公別構大樓于德巖上制宏役鉅民甚怨  
苦思齋議於院僚駁啓平壤遊觀之所甲於一國不  
須別構樓觀年饑民困尤非急務遂適之後聞則只  
役遊手官屬架數椽小亭未旬而畢云未幾公為叅  
贊思齋為檢詳往謁公第謝罪公置酒開懷大笑曰  
聞主張論我者爾也此則聞之誤也寧存形迹余嘗  
嘉嘆爾昆弟之志節益勵無怠猶稱譽於先進間公  
之膏次豁然待後進傾倒畧無纖芥之嫌嘉獎敢言







筆點放此人而誤下於公還發配所丙寅靖國後還朝為持平鯁直不撓時號為燒酒陶瓶謂外黥然而內清烈也為親乞外為永川郡守密陽安東府使忠州星州牧使到處以育才為急入為兵曹叅知同副承旨又出為大丘府使平海永川郡守入為副提學又出為慶州府尹治效尤著以親老解官歸養擢陞嘉善拜本道觀察使子弟親舊無敢伺候於公館者年七十一丁外艱廬墓三年服除拜刑曹叅判上章乞骸骨不允稱病請浴買舟東畝一時措紳傾都出餞賦詩以贈公性本恬退不樂榮利曾於宅邊構明

農堂壁畫歸去來圖家居者十有四年由嘉善而升資憲正憲躋于崇班身退而秩進在野而朝銜蓋以三朝嘉其恬退獎忠誠尚節義優老之恩典也每有一命控乞辭免朝廷不許輒有褒諭之寵公歎曰臣子辭免無時得請何以措身於義安之地乎雖常帶職而一不受祿明廟甲寅大諫鄭公裕啓曰李某國之耆德今雖退老體力猶健請加諭召上下書褒美使乘駟赴闕公上箋辭謝乙卯六月卒年八十九○公天性孝友為親乞外奉養備至具慶在堂子孫滿前愛日之誠終始無歉鄉多老壽之人嘗為九老會



以悅親心其在安東大設養老宴奉迎兩親作內外  
筵主公執子第禮奉觴上壽觀者皆歎息泣下以為  
古今所罕○臨終諸子環侍摧泣公顧謂曰吾年至  
九十受國厚恩汝等皆在百無餘憾死亦榮矣又曰  
葬勿過期喪事務簡儉言訖了然而逝

## 李子思鈞

公字重卿戊午登科丁卯重試己卯出補全州諸賢  
被罪召拜副提學時輩意公必懷憾於士類及來到  
即辭職曰光祖等被罪事臣不能詳知必是欲為善  
事而不能無過中憎疾者多而然也自上若知此人  
等只為國事則其罪當減如臣無狀安有回天之力  
乎敢辭上不許正言趙琛擊去之後為吏判忤於金  
安老除慶尚監司安老方為相出餞於興仁門外公  
聞之由崇禮門而行其倔强如此卒謚文剛



李思隆

公字重卿大子登科下昭更廷已昭所斷全出對...  
公字重卿大子登科下昭更廷已昭所斷全出對...  
公字重卿大子登科下昭更廷已昭所斷全出對...

朴祥

公字昌世號訥齋系出忠州進士智興之子成化甲  
午生丙辰進士辛酉登第授校書正字例遷校檢司  
書兵曹佐郎乙丑出為全羅都事正德丙午擢授獻  
納後出補韓山故事侍從臺諫銓曹不得擅擬外官  
憲府即日舉劾銓曹改授宗廟署令公又以親老乞  
外得守臨陂三年而政成投紱而歸唯以圖書自娛  
辛未冬拜修撰校理半歲陞應教時館中章疏必屬  
於公操紙立就文約而義盡同列稱其能未幾乞歸

名臣五



養守潭陽以清謹聞特賜表裡乙亥春章敬王后上  
賓公與淳昌郡守金淨上封事請復廢妃慎氏且論  
三元勲謀為自全建廢國母之失於是臺諫交章請  
罪命繫獄以鞫之群下洶洶莫不危之大司憲權敏  
手大司諫李符等論治妄言之罪及趙靜菴為正言  
獨啓朴祥等回求言上疏不當論罪以塞進言之路  
於是權敏手李符等亦啓其不然上命大臣處置柳  
洵等啓遠兩司只出趙正言上恕其狂直令配隸于  
南平丙子乃命放歸丁丑出守順天丁外憂居廬三  
載執喪過禮哀毀骨立杖而後起己卯冬服除陞繕

工監正是時士林禍起同時儕流奔竄貶黜無餘公  
乃具疏若干言將一陳于上雖更得罪黜不恨子弟  
親戚咸諫止之曰疏雖上於事無益祇重其禍公喟  
然歎曰一至於此乎遂焚之辛巳出為尚州牧使夏  
移授忠州三年又以廉能聞又賜表裡秩滿拜司導  
寺副正丙戌擢重試壯元陞堂上丁亥春罷歸鄉里  
是年夏又授羅州牧使己丑病不能視事考課居殿  
輿返里舍庚寅四月終於家年五十七○公性簡伉  
嫉惡之心出於天性沈貞構逍遙亭求一時名作懸  
板公詩曰半山排案俎秋聲闌樽盃貞遂拔去之○



企齋詩落葉藏秋壑斜陽映半山貞殊未覺弟義言之云

*[Faint bleed-through text from the reverse side of the page]*

# 許碭

公字碭之左議政文貞公琛之子毋柳氏晉州望族也成化辛卯生公于晉之別墅有異僧來過曰明日此家有慶事人問之荅曰必生奇男子為世名相翌日午公果生即二月十九日也形貌奇異及長寡言慎重識量弘遠常以經世自期伯父忠貞公琛雅重之常語諸子曰繼我者必此子也弘治壬子中進士癸亥登文科甲子薦入史閣例陞待教轉刑兵郎丁文貞憂廬于墓下時短喪法嚴公猶守禮終三年丁

名臣五

三十九



卯服闋由戶曹佐郎擢拜持平中廟反正之後原從  
功臣濫授者無數公論執不已朴元宗啓於筵席曰  
果如臺諫之言則孰能安心乎出入之際形色憤憤  
公獨出啓曰朴元宗上前如是發怒其他可知古有  
跋扈之臣正謂此也朴惶悚無地伏泣不已上慰之  
曰持平之見過矣政丞出入衣服有聲故也同列壯  
之戊辰移拜吏曹正郎時太監陳浩等奉詔命而來  
公從宋軼遠接于義州軼每事必咨於公冬轉檢詳  
已巳陞舍人尋移司諫李堦尹璋曹繼殷等反正之  
日入直政院從狗竇逃出來得功臣人皆嗤點公即

抗論不避駁奪功券時論躪之庚午拜司成時南邊  
有倭警命柳順汀往討公以幕僚從凡軍機諸務柳  
公獨與公辦聞賊已潰遂還辛未丁外艱癸酉服闋  
甲戌拜直提學乙亥陞同副丙子出按湖南剖決如  
流事無留滯丁丑還朝冬拜大諫未久特拜大憲戊  
寅以陳慰使赴京到遼陽遙望軍威甚盛遼人皆疑  
為健一行盡懼皆為謀避公令諸下毋動策馬直進  
乃曠陽堡將出營習陳也一行慙服還朝獻通鑑纂  
要二百餘卷啓曰願聖上留意此書上嘉之己卯出  
按關西庚辰冬朝廷遣高荆山等義州外城公列築



城利害調軍難易以為不可人皆是之時相強之遂  
與荆山忤公付之一笑終不介意公患臂不仁上書  
辭適冬拜畿伯又辭壬午春特拜北伯癸未冬上遣  
曹潤孫駟逐問延茂昌野人仍命公為後援公盡心  
規畫使沿邊各鎮積柴路傍平安之兵夾駟其西死  
三殆盡北軍無一凍傷者北人稱曰賢觀察使活人  
多矣甲申還朝乙酉秋特陞禮曹判書尋移吏判命  
下之日朝野相慶時初授之職只擬權勢子弟公啓  
為五人擬望之制人無怨其不得參望者且選居泮  
儒生年高行備累舉不中者別署一簿量才注擬遂

為成規丁亥三公有缺朝野屬望於公時沈貞以資  
級逼近令其子為諫官者論以銓選不公上不允公  
引疾力辭遷于禮曹貞果為相父子排公人皆為公  
危之公夷然不以為芥待之無異平昔時李沆為相  
臺諫駁之至請遠竄大臣宰樞會賓廳伸救公後到  
鄭領相光弼曰何遲也公曰心有未穩處熟思故晚  
也臺諫方集于臺廳大臣率宰樞亦集賓廳有若戰  
場何也鄭相曰判書之論與年少人合與吾朋儕不  
相八亦何也公曰君子和而不同先公後私我之所  
論乃至言也遂辭出鄭相慙服時許洽方為掌令與



權輒齊名當路惡其伉直金克幅發於經筵曰許權  
詭激不情請黜之此意問於大臣則可曉其情狀矣  
沈貞聞之詣闕遇公於賓廳曰金克幅何自發此語  
吾將足其議公曰一時利祿亦可愛也萬世名節獨  
可棄乎貞默然還出未幾克幅敗人以貞為賣金戊  
子秋特進右蕢成西陲有警將有問罪之舉推公為  
元帥期以明春舉事仍命公巡審江邊引見賜酒令  
政府六曹出餞一如成宗朝忠貞公故事未幾西伯  
李世應卒憲府啓請公仍任實擠于外也公聞命馳  
還面達軍機拜辭赴任朝廷以時屈力殫停其役命

公整備俟便己丑秋病卒于平壤年五十九公之病  
也有言辭職乞歸者公大言曰猥以不才濫荷主知  
位至崇品授以節鉞恩寵甚盛豈為身謀安坐乞歸  
乎強起出巡子弟請止公以為微恙當自祛力疾而  
行到寧邊疾劇輿還平壤妾問後事瞪目不荅令子  
弟牽出遂不言而卒公臨事剛正無少回避灼鼠之  
變在庭之臣噤嘿不言公敢論不避士林敬重之嘗  
入侍啓曰近來獄事多不平反領事宋軼曰臣為委  
官未知何事為不平反上笑之宋召公私第責之曰  
議獄首相之事公何以微官敢言公曰微官亦不得

澄



為首相之言乎宋大奇之平居以讀書為事博覽強  
記至於兵書律文留意該治凡有論議曲盡其當聞  
者嘆服常語諸子曰家世詩書冠冕相接至先考兄  
弟而益隆吾又不才位望已極雖以汝輩不好學為  
戒以理推之豈宜復顯只當讀書知過以免於世耳  
性儉素不喜華麗食不重肉四方無田園百口仰祿  
俸而他無長物焉

## 權檄

公字仲虛高麗侍中幸之後生於成化戊戌中丙辰  
進士甲子燕山試舉人公亦得中既拆號考官始覺  
卷中有處字啓請去之先是燕山怒中官金處善直  
諫而殺之中外文字不得用處善字故也中宗即位  
公登丁卯科薦為翰林癸酉為持平歷天官地部正  
郎以親老求永川郡以掌令召還轉舍人以司成拜  
同副承旨轉至左承旨儒生殿講畢進啓曰今日殿  
講論仁仁莫大於繼絕世魯山燕山不可不立後與



右承旨金正國同辭極論曰恭順公芳蕃昭悼公芳  
碩俱無嗣世宗大王命以廣平大君興為恭順後錦  
城大君瑜為昭悼後至今頌世宗仁親之厚昔武王  
立武庚國家設崇義殿况魯山燕山乎時衆論紛紜  
竟未舉行十一月為都承旨例為內醫提調啓曰承  
旨朴英通醫藥請以授英固辭不居己卯拜禮曹叅  
判見時事多故深以為憂求外補為三陟府使十二  
月北門之禍作猶以公為其黨罷歸田里者十五年  
嘉靖癸巳中廟命收叙除密陽府使乙未丁外憂戊  
戌出按嶺南遶還拜刑曹叅判遷兵曹陞判漢城以

奏請使赴京奉敕而回加正憲歷左叅贊為禮曹判  
書仁廟朝陞崇政為右贊成仁廟昇遐李苞鄭順朋  
等啓柳灌尹任柳仁淑等罪文定三后召六卿以上  
入議公曰方此初政務得人心每事當以大公至正  
行之翌日轉為兵曹判書尹任等既被罪公獨詣闕  
啓曰尹任固不足惜王大妃於嗣王有母之道若因  
此憂傷豈不為大累哉柳灌仁淑老病儒生位極人  
臣豈有他心今若遠行得病而死人皆曰國殺之也  
順朋大怒上疏極言三人罪復於忠順堂引對公即  
謝罪徑退於是三人皆以逆誅公亦賜功臣號吉昌

名臣五

四四



錄祿當作

決

君順朋啓權機與臣等論議不同請削勳丙午奪告  
身丁未加罪付處求禮移配秦川又移朔州至碧蹄  
晦齋配江界亦到公戲曰李貳相權貳相一時之行  
何赫赫也至謫所明年戊申春卒年七十一○宣祖  
初年即命昭雪贈左議政公冠局峻整雅好讀書自  
警編近思祿不去懷袖問中宗嘗召宰執宴後苑各  
醉扶而出有內小臣拾得小冊上曰落自權機命還  
之○公平居和氣薰然及至臨利害遇事變義形于  
色勇決如責育其再啓也通夜草啓子壻泣諫輒麾  
去之至闕中公光漢相遇並行問知公意愕然固止

之公不聽詣院相座招注書書啓辭晦齋在座亦驚  
曰勢已至此徒惹起不測耳盡抹去危言公却坐抱  
膝曰刪沒如此不如不為之為愈也○公初為吏郎  
時朴說為判書見公來握手相歡飲或恠問之說曰  
不見其人儀度乎異日當為大冠宋圭菴論當世人  
物云權公宰相中真宰相也鄭文翼公嘗稱公有死  
難不可奪之節



洪彦弼

公字子羨父承旨洞娶司藝趙秉孫女以成化丙申  
生公弱冠舉司馬試知名叔父吏部瀚嘗謂公曰謝  
玄為其叔父安所重汝知否弘治甲子中文科覆試  
時燕山追錮曩時言事人子孫公坐謫瑯島中廟及  
正蒙放明年別舉赴殿試登第月陞歲遷歷敷重地  
己卯超拜同副承旨轉右副時公之從母弟趙靜菴  
見遇中廟公獨憂之是冬新進被罪公名亦在譴中  
賴宰相辨白乃免為叅判者五大憲者六歷吏戶兵

名臣五

四十六



刑四曹判書拜右贊成子暹忤三兇拷問幾死公亦坐罷丁酉拜右相轉左相仁廟卽位陞領議政被論而遠明廟初祭衛社勲戊申復入政府累以疾請免賜几杖貂裘己酉正月卒年七十四○公為相務鎮靜不建白人有言者公曰吾固知時事之可更張者多矣然更張而不得其善不如勿擾○蘇齋日記云公性本懦弱見害必避謹慎言語徒以博覽自負排人不喜儒者疾靜菴如讐諉以避嫌文阻其路然居家謹簡其視貪濁宰列則美矣豈可沒乎

## 洪暹

公字退之號忍齋生而穎悟讀書過目成誦魁庭試直赴辛卯科選補弘文正字以兼說書入侍啓曰福城君母子被罪雖自取未必非待之失其方也往者不及來者可戒上曰爾言是後遷吏曹佐郎是時權好亂政人目為三兇公見嘗所識者而斥其非其徒共構下獄訊之幾不測杖流興陽兇徒伏辜召拜修撰庚子陞副提學癸卯特拜京畿觀察使乙巳勅使來公為遠接使俄拜大司憲時議定垂簾之儀明廟



坐于簾內公啓曰人君當正位南面萬目咸觀今者  
慈殿在簾內殿下縱不得坐北宜出坐簾外以臨羣  
臣即允之○壬子選廉謹之臣僉舉公名錫宴闕庭  
以獎臣庶戊午以右贊成兼禮判俄判吏曹兼大提  
學康申掌試發策舉歷代戚里宦侍之禍讒口交構  
公引疾杜門謝客悉遯見任癸亥權奸屏黜復判禮  
曹再典文衡○宣廟即位御筆拜右議政明年陞左  
議政以年至請致仕不允賜几杖復以疾辭遯領中  
樞時大夫人年垂九袞尚康強公受几杖賜酒樂以  
侈之咸以為近古所未有也公再為首相復為左揆

凡

予

疾病漸加母年亦深力辭章八上上賜御札畧曰卿  
元老耆德為邦家柱石又有九十偏母特賜卿母米  
豆酒肉以示予意公力疾謝恩懇辭相職上不得已  
從之其後復為首相十劄得遯大夫人辭堂上遣都  
承旨諭曰聞卿哀毀過禮禮八十不及齋喪之事况  
元老大臣不可自輕卿從禮文勿為居廬服闋又領  
樞府奉朝請不許公病革上遣承旨問所欲言已不  
能言矣年八十二而卒○文僖公家法甚嚴客至輒  
使公候之公冠服如寒士執子弟禮甚謹或有不知  
其為公者文僖既卒公執喪盡禮三年不出廬外朔



望奠獻一不令子弟代之喪畢之後子弟遇公生日  
欲以絲竹娛之公止之曰前者為親設也何忍聞此  
曰泣下霑襟子弟不敢更言每以盛滿為懼嘗於經  
席文僖以領事公以知事入侍人以為榮而公常慄  
慄也常以節儉戒子弟位冠百僚而客坐蕭然

## 蘇世讓

公字彥謙號陽谷高麗版圖典書乙卿之後晉州人  
也父都事自坡娶王氏女生公於成化丙午年纔七  
八已好學不煩師資詩句驚人筆法亦得松雪體甲  
子中進士乙丑燕山以律詩取士公居第一正德丙  
寅匿名書獄起公被繫不得赴殿試反正錄原從功  
已已捷別試由槐院選入玉堂為正字遷注書陞副  
修撰時選文學之士七人賜暇讀書終至典文者五  
人公其一也癸酉為正言拜修撰時臺諫侍從累月



伏閣請復昭陵久未得請一日公入侍面陳辭氣慷慨即蒙允移葬顯陵秋陞校理甲戌為吏曹正郎歷掌樂僉正拜掌令己卯拜舍人以事罷未幾復為校理辛巳拜直提學嘉靖皇帝即位翰林唐臯頒詔東來李衍為遠接辟公及鄭士龍為從事壬午日本詩僧大原東堂等來公為宣慰使遠人歎伏冬擢陞堂上拜承旨癸未觀察海西甲申拜吏議丙戌出尹全州己丑李衍薦公合居文翰之職特加嘉善拜右尹移禮曹叅判賀節京師上曰某有老親其適之冬出按湖南庚寅罷辛卯陞判禮曹言者論以驟陞授同

知求為忠清水使以便於養大臣謂公不可外補留不遣壬辰為洪州牧使吏民懷惠大夫人不肯之洪棄官歸養癸巳夏出按清洪民皆加額曰我公來矣秋授判尹冬如京師禮書夏言聞公能詩求見稱羨贈以書冊東還判工曹懇乞歸養命輿致母于京丙申以遠接使迎襲天使至義州以病辭命留平壤充迎慰使丁酉判兵曹移判吏曹未幾陞崇政左贊成兼兩館大提學公職任俱重辭出誠懇上不允己亥以遠接使迎送華察天使戊戌星州史閣火謄寫實錄命公奉安賜餞于濟川亭以寵之秋公往覲母乞



咏

留養辛丑丁憂癸卯服闋判中樞府仁宗嗣位公又  
遭彈自是無意仕宦作終老計扁其堂曰退休壬戌  
遇疾不起年七十七公之二兄世恭世儉年皆八十  
接屋而居晨夕過從有柳公綽之風公悶伯氏老而  
喪室常備衣服以進為諸兄先辨供具輪日適行次  
及子姪肩輿邀致山椒水涯嘯咏徜徉聞者莫不歎  
艷享清寒之福二十餘年而終

# 申光漢

于

公字漢之一字時晦高靈府院君叔舟之孫內資寺  
正洞之子成化甲辰生四歲而孤至成童猶未知學  
家中老婢往往譏之公曰今雖未學學則必超千羣  
十五始知讀書數歲遂成宏儒丁卯舉進士金公安  
國欲以公製為第一參考者以高下通韻深咎之竟  
置乙科及見公名左右愕然悔之己巳九月課試製  
表居魁直赴會試庚午捷乙科補承文院甲戌陞副  
修撰被選于書堂拜正言校理獻納直講六月陞典

名臣五

五十一



翰叅考賢良科七月特拜大司成庚辰出拜三陟府使壬午丁內艱甲申服闋卜筮于驪州閑居十五年時金慕齋居梨湖人談及二公咸以為善居鄉丁酉權奸伏辜時政更張戊戌拜大司成移大司諫己亥陞右尹拜京畿監司壬寅特加漢城判尹甲辰拜吏曹判書乙巳華使張承憲來以遠接使逆之鴨綠江上華使為之動容九月叅衛社功文定王后賜衣仍傳曰此中廟常時所御故特賜卿服之無忘先王以輔後嗣以右叅贊兼大提學癸丑拜左贊成時年七十乞致仕不許特封靈城府院君卒年七十二

表

工戶判書左右叅贊一時正士草薙之後唯公屹然獨秀蒼顏黃髮輝映縉紳八袞去一而考終于第公資稟英毅襟韻雅素平居莊重人不敢干李樛當路欲相引重義不踵門天文醫藥以至華語無不涉獵其事親也務以養志不計有無其事君也遇事殫力不擇燥濕每遇國忌至老喫素其處家也不治生產性無好畀芬華富貴視如浮雲見世巨室多壓良民時遣子弟點視鄉庄戒勿踵弊二兄兩姊事之如親撫愛羣從思若己出







胡大罪今乃爾耶願聞罪名右相安瑋在外不得入  
請召議之左右縮頸安相亦懼公不免時顧而咳目  
攝之鄭相廷爭之強上為之霽威柳庸謹聞而壯之  
曰不識蔡某作何狀乃能爾耶柳堪閔起文相語曰  
世無君子者唯老蔡一人而已公以是坐廢者四年  
後雖用猶不肯瓦合僂行道識者指之曰此上前  
棄筆公也癸巳始入侍講院歷文學弼善輔德為司  
諫執義入玉堂為應教典翰直提學丁酉特陞堂上  
戊戌以事罷戊申吏文庭試第一陞嘉善為吏戶刑  
叅判出按畿內湖西開城留守戊午陞資憲為判尹

## 朴紹

公字彥曾號冶川羅州人八歲而孤與姊妹二弟南  
歸陝川冶爐縣即公外家也自在孩稚步趨有度真  
率無偽表裡如一見之者皆謂玉人知其為遠器也  
未及羈貫便有求道之志寒暄先生住同縣公聞而  
慕之每詢先生及門弟子言論舉措必籍而箴之携  
近思錄性理大全等書入伽耶山寺沉潛玩繹至忘  
寢食覲省之外不遑出山者七八年矣聞朴松堂學  
有淵源遂往從之松堂曰子乃我師非我友也金慕



齋觀察嶺南於公聯戚雅敬重之凡事必咨一日示  
一編書曰吾欲使一道士子有所模準公曰此相公  
作成美意非初學所敢與但此書孰與朱子十訓金  
公笑曰晝夜覃思以成此書今聞子言始覺用工之  
間慢也遂書十訓及白鹿洞規遍揭州縣學壁公嘗  
曰莊敬日強安肆日偷此古人格言學者何敢少忽  
戊寅擢鄉貢三科皆第一翌年春中司馬第二入就  
講席舉止雍容應對詳敏諸公皆曰今日得玉堂正  
字可賀時趙靜菴以憲長在坐曰觀其精采非屈於  
人下者豈必以正字為期乎果魁大科是時公名已

在賢良科薦中而徑赴恒試識者驛之授典籍拜修  
撰奄羅創鉅奉樞返葬仍廬墓下服闋除司書正言  
吏曹佐郎文學持平轉舍人弼善是時羣賢被禍之  
後人諱性理之學遠晦齋淹滯芸閣公在天曹力薦  
除說書始以程朱諸書竭誠啓迪改司諫時金安老  
屏黜在外羣小方罔復用公奮不顧身力主沮遏其  
黨怒而擠之尋加斥罷公復故于陝川絕意世事專  
精讀書甲午遘疾八月卒于正寢年四十二公早失  
嚴顏長抱慕我之悲每見衰麻者必問親年幾何嗚  
咽不已事諸叔父盡其愛敬季叔母窮老寡居繼供



閑

甘旨雖居住隔遠而仕罷必省二弟綰緝襁褓而孤  
撫養訓誨恩義極盡皆終有成就公有子五人第二  
子應順誕懿仁王后配宣祖封潘城府院君三子應  
南四子應福皆登文科官至大司憲以此贈公領議  
政內外諸孫百有餘人登科者甚多門闕之盛古未  
之有○公嘗有詩曰無心每到多忘了着意還應不  
自然緊慢合宜功必至寔能除得妄中緣可知其深  
於學問南故吟一絕曰名利前頭路幾千却來江上  
有漁舡一心似水收吾內萬事如雲只付天恬於榮  
利素位無怨者亦可想也

緣

# 沈連源

質

公字孟容自在髫鬣迥異凡兒逮違家患遂失所怙  
舅氏署令申援固奇士器公之為大加誘進及長贊  
業於慕齋金公竟歲不返才識大進丙子中生負任  
午釋褐選入藝文館陞工禮吏三曹佐郎擢重試丁  
外憂廬墓三年服闋授禮曹正郎時仁廟在儲宮僚  
極一時之室公亦選帶文學厯舍人軍器寺正會濟  
州牧使有缺用事者薦公陞缺以行其實排之也至  
州大修黌舍刊四書古文課習蒙士民多向學任滿

秩 望

名臣五

五十六



內授禮曹參議大司成吏曹參議己亥以進香使朝  
京而還未幾進秩嘉善出按慶尚勤於剴決務祛積  
滯力獎儒紳勸學興化入為大司憲乙巳陞戶曹判  
書公素解華語衣冠趨履亦倣華制張行人承憲之  
還餞慰黃州不假舌人語皆條暢行人歎服擢拜右  
贊成乙巳參衛社之功封青川君戊申冬進拜右議  
政己酉陞左辛亥陞領議政癸丑秋景福宮災上命  
公繕葺時僅再閱功乃告訖上嘉悅賞賚蓋此宮青  
城伯總成之公又以首相復收重新之功人皆異之  
乙卯冬以病再辭丁巳又至四辭雖以病為名實懼

盛滿也公乞解再三上勉從所請左相尚震啓曰宿  
德元老去留為朝廷輕重請仍任待瘵上遣史官諭  
旨曰今左右相同啓辭留是乃公議卿其仍任調治  
公具疏極陳乞骸之情上不允公又祈解不已條上  
六事勤學從諫親賢遠佞恤民慎賞語甚諄功上不  
得已勉副公病後以不仕受祿於義未安戒家人勿  
受至是兩相請令有司具送其第上遣承旨問之累  
遣中使賜御札曰觀卿六條陳戒予甚嘉焉又遣承  
旨問所欲言公書啓曰臣之所懷前於六條已盡之  
矣但願政事之際存心忠厚務從寬大使人心固結



國祚靈長上復遣注書答慰公陳謝如初及夜遂卒  
年六十八謚忠惠公深痛先考非命哀傷之念恒棘  
于中平生未嘗過東市之街又不與人歡詎公每以  
盛滿為戒教子弟必以謙謹為先故名諸孫俱以謙  
字命之公娶左贊成金璫之女生一男三女男曰鋼  
即國舅青陵府院君中癸卯司馬

# 沈逢源

公字希容弘治丁巳生兄弟四人公居第三早丁家  
禍母夫人授以小學等書略通大義弱冠登上庠三  
十而嬰疾作廢人者近十年嘉靖丁酉始登第明年  
又捷擢英科初授學諭歷獻納掌令舍人典翰直提  
學陞同副癸亥明廟特加嘉善積十二年至萬曆甲  
戌卒年七十八自以受氣不厚省嗜欲定心氣務養  
真源衣必稱兩食必計匙動息節宣各有常度故能  
勿藥有喜季年神氣勝於中身聰明能記少日所讀



後

書不差築室華山之麓寓興花卉尤愛老松扁其堂曰友松自號晚窓老人杜門謝客人罕見其面有時杖履苔堦竹筵間白鬚蒼顏宛若山澤之臞家貧仰哺於祿每慙無事而食言及若無所容著說深得理趣雖自謂廢學其靜養之效亦不誣也郭司諫珣死於乙巳僚友畏累無顧者公脫衣以槩談者義之一男曰鍵以正字早歿生子二人喜壽昌壽

公字... 公...

式...

# 曹光遠

失

公昌寧君繼商之長子也弘治壬子生幼而峻拔沉深有度甫成童雄健不羈當街賣勇射藝絕人左右俱發百不決一稍長刮磨豪習折節力學中壬午司馬甲申 侍直遷副憲戊子登文科陞典籍歷戶工禮曹郎遷聞城都事中廟 謁齊陵遂幸松京供頓諸具倉卒立辦人至今稱之金安老當國父子並為所陷贊成公遠竄珍原公屏居南陽安老伏辜皆釋免卽拜尸曹正郎戊戌遷弼善掌令未幾以試射居

名臣五

五十九



魁躋通政授教寧都正工曹叅議庚子秋使朝京還  
拜右副承旨陞至都承旨適為刑禮兵叅議癸卯丁  
內憂乙巳服闋時朝廷將有士林之禍求出外拜南  
道兵使丙午仍拜北道兵使襲封昌陽君丁未拜本  
道觀察使適為中樞修兩朝實錄陞嘉義己酉拜大  
司憲轉刑曹叅判時汾江屯胡搶掠民畜以公為平  
安監司公至則不煩兵威相率遠徙特加資憲辛亥  
入為漢城判尹尋為開城留守壬午適歸拜工曹判  
書乙卯倭犯湖南以公為慶尚都巡察使無察兩南  
賊退觀察本道期滿入為知樞丁巳拜刑曹判書尋

隣


拜左叅贊庚申特陞崇政判中樞數年以來行步艱  
澁不能供仕日就羸憊子弟進藥則却之曰人生八  
十二位晴一品此而不足復求活為病革神志不亂  
而卒公居官莅職務存大體平生不喜紛華不饒權  
貴立朝四十餘年屢典雄藩出入將相而先業之外  
不長尺寸自奉疎淡盤無重肉

名臣五

卒



江目歳友野換校



Faint vertical text columns, likely bleed-through from the reverse side of the page.

